

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 54. sjednici, održanoj dana 08.05.2020. godine, d o n o s i

ZAKLJUČAK

I.

Usvaja se Informacija o provedbi Odluke o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu („Službene novine Zeničko-dobojskog kantona“, broj: 6/14) i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 08.05.2020. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
1x a/a.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL AFFAIRS,
THE DISPLACED & REFUGES

I N F O R M A C I J A
o provedbi Odluke o ostvarivanju pomoći za plaćanje troškova
stanovanja osobama koje su usljed prirodne nesreće izmještene iz svojih
domova u Zeničko-dobojskom kantonu
(„Službene novine Zeničko-dobojskog kantona“, broj: 6/14)

Zenica, april 2020. godine

UVOD

Kao posljedica katastrofalnih poplava koje su zadesile područje Zeničko-dobojskog kantona nastale su velike štete na stambenim objektima, infrastrukturi, poljoprivredi i privredi što je za posljedicu imalo evakuaciju velikog broja stanovnika Zeničko-dobojskog kantona sa ugroženih na sigurna područja. S ciljem pružanja pomoći nastradalim osobama, Vlada Zeničko-dobojskog kantona je 2014. godine donijela Odluku o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu („Službene novine Zeničko-dobojskog kantona“, broj: 6/14), u daljem tekstu: Odluka.

Predmetna informacija prezentuje podatke o ukupnom broju priznatih prava po općinama/gradovima, visinu sredstava koja su na osnovu navedene Odluke iz Budžeta Zeničko-dobojskog kantona doznačena gradovima/općinama Kantona, odnosno krajnjim korisnicima, kao i broj korisnika kojima se još uvijek priznaje pravo po navedenoj Odluci. Na osnovu navedenih podataka proizilazi slika stanja ove problematike a nakon preduzetih mjera Vlade Zeničko-dobojskog kantona.

IMPLEMENTACIJA ODLUKE

U tabeli 1., koja se nalazi na sljedećoj strani ovog dokumenta, dat je pregled ukupnog broja korisnika po općinama i godinama, iznos utrošenih sredstava za realizaciju Odluke, kao i broj korisnika kojima se još uvijek priznaje pravo po navedenoj Odluci.

U periodu od oktobra 2014. godine do decembra 2019. godine pravo po osnovu Odluke ostvarilo je ukupno 296 porodica i ukupno utrošeno 540.110,00 KM za finansiranje predmetnog prava. Ovo pravo još uvijek koristi 20 porodica, a u 2019. godine koristilo je 27 porodica, za što je u toku 2019. godine utrošeno 36.210,00 KM.

Važno je napomenuti da je Odluka stupila na snagu i primjenjuje se od oktobra 2014. godine zbog čega je broj korisnika objedinjen za 2014. i 2015. godinu, a iznos utrošenih sredstava u 2014. godini 71.110,00 KM i u 2015. godini 265.550 KM.

Ulaganjima u obnovu i sanaciju stambenih objekata broj korisnika se značajno smanjio sa 296 korisnika kojima su prizna prava, na 20 korisnika, kao i iznos sredstava izdvojen iz Budžeta Zeničko-dobojskog kantona za plaćanje troškova stanovanja sa 265.550 KM na 36.210,00 KM.

Tabela1.

Općina	Broj korisnika 2014. i 2015. godina	Broj korisnika u 2016. godini	Broj korisnika u 2017. godini	Broj korisnika u 2018. godini	Broj korisnika u 2019. godini	Broj korisnika koji još uvijek koriste pravo	Ukupno doznačena sredstva u 2014. godini	Ukupno doznačena sredstva u 2015. godini	Ukupno doznačena sredstva u 2016. godini	Ukupno doznačena sredstva u 2017. godini	Ukupno doznačena sredstva u 2018. godini	Ukupno doznačena sredstva u 2019. godini	Ukupno doznačena sredstva
ŽEPČE	80	10	1	1	0	0	25.340,00	92.620,00	9.780,00	1.200,00	300,00	0	129.240,00
KAKANJ	24	11	10	8	2	0	5.280,00	26.940,00	18.030,00	15.950,00	5.400,00	480,00	72.080,00
ZENICA	52	17	16	19	18	18	4.200,00	62.460,00	28.170,00	21.870,00	11.790,00*	30.600,00	159.090,00
MAGLAJ	104	18	3	3	3	0	30.620,00	49.120,00	23.220,00	4.500,00	3.120,00	1.080,00	111.660,00
VISOKO	2	1	0	0	0	0	0,00	1.800,00	300,00	0,00	0,00	0,00	2.100,00
VAREŠ	3	2	4	3	3	1	900,00	4.350,00	2.670,00	6.030,00	3.510,00	2.250,00	19.710,00
OLOVO	8	0	0	0	0	0	1.050,00	6.180,00	0,00	0,00	0,00	0,00	7.230,00
ZAVIDOVIĆI	19	8	1	1	1	1	3.720,00	19.260,00	8.250,00	1.800,00	1.350,00	1.800,00	36.180,00
TEŠANJ	4	0	0	0	0	0	0,00	2.820,00	0,00	0,00	0,00	0	2.820,00
UKUPNO	296	67	35	35	27	20	71.110,00	265.550,00	90.420,00	51.350,00	25.470,00	36.210,00	540.110,00

*Do razlike u odstupanju iznosa za 2018. i 2019. godinu, za Grad Zenicu, došlo je iz razloga što je Služba za civilnu zaštitu Grada Zenice, obustavila izdavanje Uvjerenja o stanju objekata, koja su sastavni dio dokumentacije za priznavanje prava, tako da u toku 2018. godine korisnicima nisu bila priznata prava za cijelu kalendarsku godinu.

OBNOVA STAMBENOG FONDA

U proteklom periodu u gradovima/općinama Zeničko-dobojskog kantona realizirani su projekti obnove stambenog fonda finansirani od strane Vlade Federacije BiH, Vlade Zeničko-dobojskog kantona, Federalnog fonda za pomoć nastradalim, Federalnog štaba civilne zaštite, Federalnog ministarstva raseljenih osoba i izbjeglica, UNDP, Caritas Švicarski, TIKA-turska agencija za razvoj, CRS, Hilfswerk, kao i veći broj nevladinih organizacija.

GRAD ZENICA:

Po osnovu oštećenja usljed djelovanja prirodne nesreće-poplave i klizišta u 2014. godini evidentirano je ukupno 930 oštećenih stambenih objekata. U protekle 4 godine uz pomoć donatora na teritoriji Grada Zenica izgrađeno je 37 stambenih objekata, sanirano 170 stambenih objekata, obnovljeno 419 objekata, dakle ukupno 626 stambenih objekata. 200 oštećenih stambenih objekata sanirano je od strane samih vlasnika, tako da je ukupan broj obnovljenih stambenih objekata 826. Nevladina organizacija ASB i Hilfswerk rade na implementaciji Projekta sanacije 42 oštećena stambena objekata za Rome.

Grad Zenica je trenutno u realizaciji Javnog poziva za izgradnju i sanaciju stambenih jedinica koji finansira Evropska unija, a implementira UNDP u partnerstvu sa nevladinim organizacijama ASB i Hilfswerk. Na poziv se prijavilo 100 korisnika, od čega je nakon terenske verifikacije prošlo 33 objekta za izgradnju i 6 za sanaciju.

Pravo na plaćanje troškova stanovanja po Odluci u Gradu Zenica još uvijek ostvaruje 18 korisnika.

OPĆINA VAREŠ

Usljed prirodne nesreće u općini Vareš je ukupno oštećeno 7 stambenih objekata.

U prvom tromjesečju 2019. godine pravo na plaćanje troškova stanovanja u Općini Vareš ostvarivala su 3 korisnika.

Tokom 2019. godine za dva korisnika je riješeno stambeno pitanje na način da je za jednog korisnika Općina Vareš je izdvojila sredstva i riješila stambeno pitanje, kupovinom stana, a drugi korisnik je dobio građevinski materijal od Federalnog ministarstva raseljenih osoba i izbjeglica i novčanu pomoć općine Vareš za ugradnju istog.

Pravo na plaćanje troškova stanovanja po Odluci u Općini Vareš još uvijek ostvaruje 1 korisnik.

OPĆINA MAGLAJ

U općini Maglaj, koja je najviše nastradala zbog prirodne nesreće, je uništeno/oštećeno 1016 stambenih objekata od čega je 1013 stambenih objekata obnovljeno sredstvima doniranim od strane vladinog i nevladinog sektora. Ukupan iznos novčanih sredstava utrošenih za obnovu stambenog fonda je 9.065.739,00 KM.

U toku 2019. godine riješeno je stambeno pitanje i za preostala 3 korisnika prava, na način da su dva korisnika riješena realizacijom projekta UNDP-a, izgradnjom stambenih objekata, u čemu je učestvovala i Općina Maglaj sa priključcima na infrastrukturu i po 5.000,00 KM za svaki novoizgrađeni objekat, dok je jedan korisnik riješen kroz projekat CEB II – Razvojne banke Vijeća Evrope.

U Općini Maglaj nema više korisnika koji ostvaruju pravo na plaćanje troškova stanovanja.

OPĆINA KAKANJ

Na 43 stambena objekta u općini Kakanj je u toku majskih poplava 2014. godine procijenjena totalna šteta. Novčanu pomoć za izgradnju dobilo je 15 domaćinstava, 9 za kupovinu druge nekretnine, a 3 domaćinstva su zaprimila pomoć u građevinskom materijalu. Dva stambena objekta su kupljena donacijom firme DSM d.o.o. Kakanj i jedan donacijom Crvenog križa Kakanj. Tri domaćinstva su odbila svaki vid pomoći i pokrenuli sudske postupke za naknadu štete. Ukupna vrijednost sredstava za obnovu procijenjena je na 870.000 KM. Na 312 objekata procijenjena je djelimična šteta, a vlasnicima objekata je, u zavisnosti od vrste i stepena oštećenja objekta, donirana pomoć u iznosu od 300 do 3000 KM.

U toku 2019. godine u Općini Kakanj 7 porodica se vratilo u svoje stambene objekte na kojima nije bila utvrđena materijalna šteta, ali su iz njih bili evakuisani iz sigurnosnih razloga, zbog klizanja i slijeganja zemljišta.

Jedan korisnik prava je sa 31.03.2019. godine prestao sa podnošenjem zahtjeva za priznavanje prava, a po navodima službenih lica iz Općine Kakanj, ovaj korisnik je sam svojim sredstvima obnovio oštećeni stambeni objekat i u njega se vratio.

U Općini Kakanj nema više ni jedan korisnik ovog prava.

OPĆINA ZAVIDOVIĆI

Pravo na plaćanje troškova stanovanja po Odluci u Općini Zavidovići još uvijek ostvaruje 1 korisnik koji nije odabran kao korisnik niti jednog projekta.

U općinama: Žepče, Olovo, Breza, Doboj-Jug, Tešanj i Viosko, u toku 2019. godine, nije bilo ni jednog korisnika sa priznatim pravom, obzirom da su sve uništene/oštećene stambene jedinice izgrađene, odnosno na svim oštećenim stambenim jedinicama je sanirana šteta, te su na taj način svi korisnici koji su imali pravo po Odluci stambeno zbrinuti u periodu od 2014. do 2018. godine.

REZIME

Broj osoba koje su usljed prirodne nesreće izmještene iz svojih domova u Zeničko-dobojskom kantonu i kojima je priznato pravo na ostvarivanje pomoći za plaćanje troškova stanovanja u znatnoj mjeri je smanjen. Od 296 porodica kojima su stambeni objekti uništeni ili oštećeni zbog poplava ili klizišta pravo na pomoć za plaćanje troškova stanovanja u 2019. godini koristilo je 27 porodica (tabela 1).

Kako se znatno smanjio broj korisnika tako se i u znatnoj mjeri smanjilo i izdvajanje iz Budžeta Zeničko-dobojskog kantona, s obzirom da je u početnoj fazi implementacije Odluke iz Budžeta izdvojeno 265.550,00 KM, dok je u 2019. godini ovaj iznos smanjen na 36.210,00 KM.

Realizacijom projekata UNDP-a „Projekat oporavka od poplava“ očekuje se brzo rješavanje problema na konačnom stambenom zbrinjavanju preostalih korisnika prava za plaćanje troškova stanovanja, kao i iznosa troškova koji će se izdvojiti iz Budžeta Zeničko-dobojskog kantona za ovu namjenu.

Ministarstvo za rad,
socijalnu politiku i izbjeglice

Zenica, april, 2020. godine